

## ACTA DA SESIÓN ORDINARIA DA COMISION INFORMATIVA DE INFRAESTRUTURAS VIARIAS E MOBILIDADE DO 22 DE XULLO DE 2022.

PRESIDENTE: DON XOSÉ CESÁREO MOSQUERA LORENZO

SUPLENTE: DON GREGORIO AGÍS GÓMEZ.

VOGAIS:

DONA ANA MARÍA MEJÍAS SACALUGA  
DON SANTOS HÉCTOR RODRÍGUEZ DÍAZ  
DON GORKA GÓMEZ DÍAZ  
DON CARLOS LÓPEZ FONT  
DON MANUEL GONZÁLEZ MARTÍNEZ  
DONA ANA LAURA IGLESIAS GONZÁLEZ  
DONA OLGA MARÍA GARCÍA BALLESTEROS  
DON MANUEL ALEJANDRO LORENZO  
DON JORGE CUBELA LÓPEZ  
DON JOSÉ ALFONSO MARNOTES GONZÁLEZ  
DONA MARÍA PAZ LAGO MARTÍNEZ  
DON. IGNACIO MARIL PARDO  
DON JOSÉ CARLOS LÓPEZ CAMPOS  
DON JAVIER TOURÍS ROMERO  
DONA MARÍA ORTEGA IÑARREA substituíndo a Don Uxío Benítez Fernández.

Sendo as doce horas e catorce minutos do día 22 de xullo de 2022, réunese a Comisión Informativa de Infraestruturas Viarias e Mobilidade.

Preside a sesión Xosé Cesáreo Mosquera Lorenzo e asisten as deputadas/os que se relacionan á marxe.

Actúa como secretaria, por delegación do secretario xeral, Montserrat Conde López, xefa dos Servizos Administrativos de Infraestruturas e Vías Provinciais.

Aberta a sesión pola Presidencia, adoptáronse os seguintes acordos:

### 1.-Aprobación da acta da sesión anterior (17 de xuño de 2022).

A Comisión acorda por unanimidade aprobar a acta da sesión de 17 de xuño de 2022.

### 2.- Aprobación inicial do Proxecto de mellora da seguranza viaria e senda peonil na EP 2106 A Ramallosa - Parada, dende o PQ 3+200 ao PQ 4+195 (Nigrán)" e do expediente de expropiación. (Expediente 2022030189).

Antecedentes:

1. En xaneiro de 2016 a Deputación de Pontevedra presenta o seu novo Decálogo de Criterios para as novas actuacións nas vías provinciais, unha rede provincial de estradas con aproximadamente 1.700 quilómetros de lonxitude total, que supón o eixo principal das competencias da Deputación de Pontevedra en materia de infraestruturas e mobilidade ao amparo do establecido na Lei 7/85 e na Lei de Estradas de Galicia 8/2013. Esta rede provincial atópase na estrutura viaria global por detrás das estradas de competencia estatal e da Xunta de Galicia.

Cumprindo co Decálogo de Criterios, e coa fin de actuar acorde coas demandas urbanísticas, ambientais e sociais, de máximo respecto ao territorio e ao patrimonio construído, a Deputación de Pontevedra está concienciada na necesidade de aumentar a seguridade viaria en toda a rede de



estradas da provincia, tanto nas vías de titularidade provincial como local, autonómica ou estatal. Por ese motivo redáctase o proxecto de construción da obra "MELLORA DA SEGURANZA VIARIA E SENDA PEONIL NA EP2106 A RAMALLOSA - PARADA, NIGRÁN". Esta estrada é de dobre sentido de circulación e de sección variable, conecta A Ramallosa con Parada. Na marxe dereita do treito comprendido entre o P.Q. 3+200 e o P.Q. 4+195 atopase o Cemiterio e na marxe esquerda a Igrexa de Santiago de Parada.

O proxecto contempla as actuacións necesarias para mellorar a seguridade viaria, incluíndo a creación dunha nova senda peonil e novos espazos de tráfico compartido, que garantan un itinerario peonil seguro desde a intersección coa PO-332, pasando polo núcleo rural de Santiago de Parada, ata o cemiterio. Para iso deséñase unha nova ordenación dos espazos do vial e unha renovación dos pavimentos. Contéplase a renovación da iluminación e da recollida das pluviais. A actuación comprende uns 995 metros de lonxitude. Así mesmo, debido a que as características do trazado, faise necesaria a ocupación de varias parcelas que limitan coa actuación.

2. O proxecto de construción da obra foi redactado pola enxeñeira de camiños, canles e portos Trinidad López Rodríguez, pertencente á empresa Galaicontrol S.L. e o director é o enxeñeiro de camiños, canles e portos Don Francisco Alonso Fernández, xefe dos Servizos Técnicos de Infraestruturas e Vías Provinciais.

No anexo núm. 15 do proxecto de construción da obra prevese a expropiación de 19 parcelas no Concello de Nigrán, así como unha serie de bens que resultan afectados pola actuación.

3. O importe total dos bens e dereitos afectados ascende a quince mil seiscientos dez euros con oitenta e seis céntimos (15.610,86 €), que serán financiados polo Concello de Nigrán de conformidade co acordo adoptado na sesión ordinaria do Pleno do Concello do día 28 de marzo de 2022 e remitido á Deputación.

Consideracións legais e técnicas:

1ª.- Lexislación aplicable.

- Lei 7/1985, de 2 de abril, de bases de réxime local (LBRL).
- Lei 5/1997, de 22 de xullo, de Administración local de Galicia (LALGA).
- Real Decreto Legislativo 781/1986, de 18 de abril, polo que se aproba o texto refundido das disposicións legais vixentes en materia de réxime local (TRRL).
- Lei 39/2015, de 1 de outubro, do procedemento administrativo común das administracións públicas (LPAC).
- Lei 8/2013, do 28 de xuño, de estradas de Galicia (LEG).



- Decreto 66/2016, de 26 de maio, polo que se aproba o regulamento xeral de estradas de Galicia (RXEG).
- Lei de 16 de decembro de 1954 sobre expropiación forzosa (LEF), e o seu regulamento, aprobado por Decreto de 26 de abril de 1957 (RLEF).
- RD Legislativo 7/2015, de 30 de outubro, polo que se aproba o texto refundido da lei do solo e rehabilitación urbana (TRLSRU), e o RD 1492/2011, de 24 de outubro, polo que se aproba o regulamento de valoracións da lei do solo.
- Regulamento de organización, funcionamento e réxime xurídico das entidades locais, aprobado polo Real Decreto 2568/1986, de 28 de novembro (ROF).
- Real Decreto 1627/1997, de 24 de outubro, polo que se establecen disposicións mínimas de seguridade e de saúde nas obras de construción.

#### 2ª.- Documentación.

Constan no expediente os seguintes documentos:

- O proxecto de construción da obra de "Mellora da seguranza viaria e senda peonil na EP2106 A Ramallosa- Parada, dende o PQ 3+200 ao PQ 4+195 ( Concello de Nigrán)", redactado pola enxeñeira de camiños, canles e portos Trinidad López Rodríguez, pertencente á empresa Galaicontrol SL. e o director é o enxeñeiro de Camiños, Canles e Portos Francisco Alonso Fernández, xefe dos Servizos Técnicos de Infraestruturas e Vías Provinciais.
- O proxecto inclúe un Anexo (núm. 15) sobre as necesidades de ocupación de terreos.

Están afectadas 19 parcelas situadas no Concello de Nigrán, así como unha serie de bens que resultan afectados pola actuación, sendo a superficie a expropiar 611 m2 de superficie de núcleo rural e 1.878,89 m2 de solo rústico.

O importe total dos bens e dereitos afectados ascende a quince mil seiscentos dez euros con oitenta e seis céntimos (15.610,86 €), que serán financiados polo Concello de Nigrán de conformidade co acordo adoptado na sesión ordinaria do Pleno do Concello de Nigrán celebrada o día 28 de marzo de 2022 e remitida á Deputación de Pontevedra.

Organismo	Achega	%
Concello de Nigrán	15.610,86 €	100
<b>TOTAL EXPROPIACIÓNS</b>	<b>15.610,86 €</b>	<b>100</b>

- Informe, de 25 de abril de 2022, de supervisión favorable do proxecto no que se fai



constar que o proxecto cumpre coa normativa urbanística e ambiental.

— Informe do xefe dos Servizos Técnicos de Infraestruturas de 23 de xuño de 2022 respecto da declaración de urxencia de ocupación e motivación desta.

— Nota simple informativa do Rexistro da Propiedade de Vigo núm. 6, de 11 de maio de 2022, no que se indica que non constan asignadas a ningunha finca rexistral inscrita nese rexistro as seguintes referencias catastrais:

54035A06100001	54035A06100368	54035A06100051	54035A06100045
54035A06100103	54035A06100029	54035A06100395	54035A06100039
54035A06100383	54035A06100024	54035A06100038	54035A06100044
54035A06100070	54035A06100033	54035A06100046	54035A06100041

En canto as referencias catastrais 54035A06100034, 54035A06100394, 54035A06100415 fai constar o seguinte:

54035A06100034: consta asignada á finca de Nigrán 28719 con código rexistral 36025001044704. Titular: Inveracapor SL

54035A06100394: consta asignada á finca de Nigrán 22247 con código rexistral 36017000708114. Titular: Benito Villar, Adrián Jacobo e Tania del Río Blanco.

54035A06100415: consta asignada á finca de Nigrán 28723 con código rexistral 36025001044865. Titular: Raúl Sanromán Pérez.

— Certificación catastral das parcelas coas referencias catastrais números:

54035A06100001	54035A06100368	54035A06100034	54035A06100045
54035A06100103	54035A06100029	54035A06100394	54035A06100039
54035A06100383	54035A06100024	54035A06100395	54035A06100044
54035A06100415	54035A06100033	54035A06100038	54035A06100041
54035A06100070	54035A06100051	54035A06100046	

Segundo o artigo 3.2 da LEF, salvo proba en contrario, a Administración que expropie considerará propietario ou titular a quen conste con este carácter en rexistros públicos que produzan



presunción de titularidade que só poida ser destruída xudicialmente ou, na súa falta, a quen apareza con tal carácter en rexistros fiscais ou, finalmente, ao que o sexa pública e notoriamente.

O artigo 17 da LEF esixe que a Administración formule unha relación concreta e individualizada na que se describan, en todos os aspectos, material e xurídico, os bens ou dereitos que considere de necesaria expropiación. Tras a exposición pública por medio do Boletín Oficial da Provincia e dos taboleiros do Concello, aprobaranse definitivamente a relación de propietarios e bens afectados, declarándose a necesidade de ocupación destes.

O acordo será publicado e notificado aos expropiados, iniciándose así o expediente de expropiación (artigo 20.2 do RLEF).

Nos casos de indeterminación ou descoñecemento dos titulares ou dos seus domicilios, a notificación deberá realizarse simultaneamente por Edictos no Boletín Oficial da Provincia e no taboleiro de anuncios do Concello, en cuxo termo radiquen os bens (artigo 20.4 do mencionado Regulamento).

Unha vez publicado o Edicto no Boletín Oficial da Provincia, ante a falta de coñecemento do titular ou do domicilio deste e para que se lle poida notificar o expediente nas súas sucesivas actuacións, a LEF dispón que "se entenderán as dilixencias co Ministerio Fiscal cando, efectuada a publicación a que se refire o artigo 18, non compareceren no expediente os propietarios ou titulares "(artigo 5.1).

3ª.- Motivación da declaración da urxencia da ocupación.

O artigo 56.1 do RLEF establece que "1. O acordo polo que se declare a urxente ocupación de bens afectados por unha expropiación, deberá estar debidamente motivado, coa exposición das circunstancias que, de ser o caso, xustifican o excepcional procedemento previsto no artigo 52 da Lei e contendo referencia expresa aos bens aos que a ocupación afecta ou ao proxecto de obras no que se determina, así como ao resultado da información pública na que por imposición legal ou, no seu defecto, por prazo de quince días, se oíra aos afectados pola expropiación de que se trate".

No expediente consta o informe emitido polo xefe dos Servizos Técnicos de Infraestruturas de 23 de xuño de 2022 no que se sinala:

"Dende o punto de vista técnico, considérase axeitado iniciar o expediente expropiatorio pola vía da urxencia, xa que entre o P.Q. 3+200 e o P.Q. 4+195 da E.P. 2106 Ramallosa- Parada atópase un gran núcleo de poboación que polas características actuais da vía dispoñen dun treito moi perigoso, sen beiravías e con moitas curvas que dificultan a visibilidade impedindo camiñar con seguridade, obrigando aos peóns a invadir a estrada e convivir neste treito cos vehículos motorizados, co risco que iso supón para a seguranza viaria, véndonos obrigados a expropiar de



forma urgente estas dezanove parcelas para poder conseguir así unha maior seguridade viaria na zona de actuación tanto para os peóns como para os vehículos motorizados”.

O artigo 56.1 do REG (efectos da aprobación definitiva dos proxectos) establece:

“1. A aprobación definitiva dos anteprojectos, proxectos de trazado ou proxectos de construción implicará, para os efectos de expropiación, ocupación temporal ou imposición ou modificación de servidumes:

- a) A declaración de utilidade pública.
- b) A declaración da necesidade de ocupación dos bens e de adquisición dos dereitos necesarios para a execución das obras, dos depósitos dos materiais sobrantes e dos préstamos necesarios para executalas, sempre que veñan previstos no seu proxecto.
- c) A declaración da necesidade de ocupación dos bens e de adquisición dos dereitos necesarios para o trazado de planta do proxecto.
- d) A declaración da necesidade de ocupación dos bens e de adquisición dos dereitos necesarios para as modificacións do proxecto que, de ser o caso, se puideren aprobar posteriormente.
- e) A declaración da urxencia da ocupación.

2. Para os efectos do previsto no número anterior, será imprescindible que o anteprojecto, proxecto de trazado ou proxecto de construción aprobado definitivamente inclúa, entre os documentos que o compoñen, a relación concreta e individualizada na cal se describan, en todos os aspectos materiais e xurídicos, os terreos, bens, servidumes e demais dereitos reais que se considere necesario ocupar para a execución da obra ou para a reposición dos servizos afectados pola súa execución, coa identificación das súas persoas titulares, así como a representación gráfica da delimitación das ocupacións necesarias, e que se tivesen realizado os trámites esixidos pola lexislación en materia de expropiación forzosa.

3. Logo de aprobados definitivamente os anteprojectos, proxectos de trazado ou proxectos de construción, as limitacións á propiedade e á titularidade doutros dereitos establecidos na lexislación de estradas de Galicia e neste regulamento serán efectivas respecto dos terreos que afecten a actuación correspondente (artigo 22.6 LEG)”.  
4ª.- Información pública – Prazo de exposición pública.

O artigo 93 do TRRL dispón : “A aprobación dos proxectos de obras locais axustarase ao procedemento legalmente establecido. En todo caso, as provinciais, unha vez tomados en consideración os proxectos pola Deputación Provincial, serán sometidos a información pública con carácter previo á súa resolución definitiva”.



A regulación dos estudos e proxectos para construír novas estradas ou modificar as existentes e o procedemento para a súa aprobación contense nos artigos 15 a 22 –ambos incluídos– da LEG e 44 a 57 do RXEG.

Con respecto á información pública regúlanse os supostos de información pública preceptiva no artigo 21. 1 da LEG e 49. 1 e 2 do RXEG. Son preceptivos- información pública e informe das administracións afectadas- nos seguintes supostos establecidos no artigo 49 1 e 2 do RXEG:

“a) Construción de novas estradas ou treitos delas que non se previsen no planeamento urbanístico municipal.

b) Modificacións substanciais de estradas existentes que afecten de xeito significativo o planeamento urbanístico municipal, entendendo que existe afección significativa nos seguintes supostos:

1º. No caso de treitos urbanos, cando as obras se executen fóra dos terreos de dominio público viario e dos comprendidos entre este e as aliñacións oficiais marcadas no correspondente instrumento de planeamento urbanístico.

2º. No caso de treitos non urbanos de estradas que atravesen solo non clasificado como rústico polo correspondente instrumento de planeamento urbanístico, cando as obras se executen fóra dos terreos de dominio público viario e dos comprendidos entre este e a liña límite de edificación. (Artigo 21.1 LEG)”.

“2. Tamén serán sometidos aos trámites de información pública en materia de estradas e de informe das administracións afectadas aqueles estudos ou proxectos de:

a) Actuacións que deban ser sometidas a avaliación ambiental, segundo a lexislación básica e autonómica sobre a materia.

b) Actuacións que requiran un estudo de viabilidade, por estar prevista a súa execución e explotación en réxime de concesión de obra pública, segundo o exixido na lexislación de contratos do sector público.

c) Actuacións en municipios que carezan de planeamento urbanístico municipal, cando as obras se executen fóra dos terreos de dominio público viario e en terreos que teñan a consideración de urbanos, segundo os criterios previstos na lexislación urbanística”.

No artigo 49.3 do RXEG establécese que no resto de estudos e proxectos, a decisión de sometemento aos trámites de información pública e de informe das administracións afectadas será potestativa da administración promotora da actuación.



Finalmente, no 49.4 do RXEG establécese que: “Para os efectos deste artigo, en ningún caso terán a consideración de novas estradas as duplicacións de calzada, os acondicionamentos de trazado, os ensanches da plataforma, as melloras de firme e, en xeral, todas aquelas outras actuacións que non impliquen un cambio da súa clasificación ou que non supoñan unha modificación substancial na funcionalidade dunha estrada preexistente.”

Segundo a normativa reguladora das estradas de Galicia, atendendo ao exposto na memoria do proxecto e ao informe de supervisión, non estamos ante un suposto de necesidade de sometemento a información pública e informe das administracións afectadas para os efectos de tramitación da aprobación do proxecto. Non obstante a esixencia de que á aprobación definitiva do proxecto se tivesen realizado os trámites esixidos pola lexislación en materia de expropiación forzosa obriga á exposición pública por un período de quince días (art. 17 e 56.1 do RLEF) da relación dos bens e dereitos, para que as persoas interesadas poidan formular alegacións sobre a procedencia da ocupación ou disposición dos bens e sobre o seu estado material ou legal. Esta consideración, unida á previsión do artigo 93 do TRRL tal e como se sinala no informe de Secretaría, lévanos a concluír que a exposición pública ha de ter lugar podendo, tal e como se sinala no informe de Secretaría, simultánea á exposición do proxecto e á da relación dos bens e dereitos afectados pola expropiación forzosa.

Con respecto do prazo de exposición do proxecto se temos en conta o establecido no derradeiro parágrafo do artigo 83.2 da LPAC non podería ser inferior a vinte días.

5ª Aprobación definitiva do proxecto.

Con respecto da Administración competente para a aprobación definitiva do proxecto no segundo as circunstancias concorrentes neste expediente e considerase que:

Do xogo combinado dos artigos 16 e 22.3 e 4 da LEG, así como dos artigos 55.3, 4 e 5, do REG, dedúcese, a salvo criterio mellor fundado, que a aprobación definitiva dos proxectos de obras promovidos polas Entidades Locais corresponderíalle á Xunta de Galicia:

- Cando precisen de exposición pública segundo o artigo 21.1 e no trámite algunha Administración expresase de maneira motivada a súa falta de conformidade co trazado proposto
- Cando simultaneamente precisen de información pública segundo o art. 21.1 da Lei; e non se encontren incluídos nalgún dos instrumentos que sinala o artigo 22.4 (o Plan director de estradas de Galicia, o plan sectorial de estradas da administración promotora, nin no planeamento urbanístico municipal).





De tal forma que, de non precisar de información pública, a aprobación definitiva lle correspondería á propia Entidade local, sendo así mesmo a competente cando procedendo tal información non se presentase desconformidade co trazado por ningunha Administración e a actuación estea prevista nalgún dos instrumentos anteriores.

Na Deputación a competencia para a aprobación do proxecto (inicial e definitiva), coas declaracións implícitas que supón a efectos da expropiación, estímase reside no Pleno de conformidade co art. 3.4 do RLEF. Non se encontrou precepto que implique acordo con maioría cualificada (art. 47 Lei 7/1985).

Conforme á memoria do proxecto non estamos ante a construción dunha estrada nova ou treito dela non previsto no planeamento urbanístico municipal, nin ante unha modificación substancial de estrada existente que afecten de xeito significativo o planeamento urbanístico municipal, entendendo que, segundo a LEG, considerase que existe afección significativa nos seguintes supostos:

- “1º. No caso de treitos urbanos, cando as obras se executen fóra dos terreos de dominio público viario e dos comprendidos entre este e as aliñacións oficiais marcadas no correspondente instrumento de planeamento urbanístico.
- 2º. No caso de treitos non urbanos de estradas que atravesen solo non clasificado como rústico polo correspondente instrumento de planeamento urbanístico, cando as obras se executen fóra dos terreos de dominio público viario e dos comprendidos entre este e a liña límite de edificación. (Artigo 21.1 LEG)”

O Pleno, con quórum de maioría simple, é o órgano competente para a aprobación inicial e definitiva do proxecto coas declaracións implícitas que supón para os efectos de expropiación.

Non é preceptivo o informe de Secretaría, tal e como se sinala no seu informe de data 12/08/2021 debendo incorporarse ao expediente o informe de Intervención.

Polo indicado, proponse ao Pleno da Corporación a adopción do seguinte acordo:

Primeiro.- Aprobar inicialmente o proxecto de construción da obra “Mellora da seguranza viaria e senda peonil na EP 2106 A Ramallosa- Parada, dende o PQ 3+200 ao PQ 4+195. Concello de Nigrán”, cun orzamento de licitación de 973.023,39 € e de expropiacións de 15.610,86 €.

Segundo.- Expoñer ao público o proxecto de construción da obra por medio de anuncio no Boletín Oficial da Provincia e na Sede Electrónica da Deputación, para os efectos de reclamacións polo prazo de vinte días hábiles, entendéndose aprobado de non producirse estas coa implícita



declaración de utilidade pública da obra e da declaración da urxente ocupación dos bens e dereitos afectados por esta.

Terceiro.- Aprobar a relacións de bens e dereitos afectados pola expropiación e tramitación do procedemento de expropiación.

Cuarto.- Expoñer ao público a relación de bens e dereitos afectados pola expropiación por medio de anuncio no Boletín Oficial da Provincia e na sede electrónica da Deputación, nun dos diarios de maior circulación da provincia, no taboleiro de edictos e do Concello onde radican os bens a expropiar, polo prazo de quince días hábiles, co fin de que as persoas interesadas poidan formular alegacións sobre a procedencia da ocupación ou disposición dos bens e sobre o seu estado material ou legal. De non producirse alegacións entenderase definitivamente aprobada.

Quinto.- Notificar individualmente ás persoas propietarias/titulares catastrais das parcelas obxecto de expropiación.

Anexo.- Relación de bens e dereitos afectados pola expropiación.

Núm. parcela	Ref. Catastral	Superficie/bens afectados
1	54035A06100001	474,74 m2 núcleo rural
		701,83 m2 Superficie rústico
14	54035A06100103	136,57 m2 núcleo rural
15	54035A06100383	138,07 m2 Superficie rústico
24	54035A06100415	106,39 m2 Superficie rústico
25	54035A06100070	241,89 m2 Superficie rústico
28	54035A06100368	151,24 m2 Superficie rústico
29	54035A06100029	28,36 m2 Superficie rústico
30	54035A06100024	105,72 m2 Superficie rústico
31	54035A06100033	120,52 m2 Superficie rústico
32	54035A06100051	9,33 m2 Superficie rústico
33	54035A06100034	11,07 m2 Superficie rústico
34	54035A06100394	2,86 m2 Superficie rústico
35	54035A06100395	17,62 m2 Superficie rústico
36	54035A06100038	71,47 m2 Superficie rústico
37	54035A06100046	37,71 m2 Superficie rústico
38	54035A06100045	69,48 m2 Superficie rústico



Núm. parcela	Ref. Catastral	Superficie/bens afectados
		9 Estructuras
39	54035A06100039	1,13 m2 Superficie rústico
41	54035A06100044	28,84 m2 Superficie rústico
42	54035A06100041	35,36 m2 Superficie rústico

O informe-proposta é ditaminado favorablemente por unanimidade.

## 6.- Rogos e preguntas.

O portavoz do Grupo Provincial do Partido Popular, Jorge Cubela López, formula as seguintes preguntas:

1.- Como está o asunto relativo ás obras na EP 0002 Tomeza – O Marco, no Concello de Pontevedra, solicitadas en abril de 2021 e anunciadas polo Concello para seren executadas por medio de convenio coa Deputación.

O presidente da Comisión, Xosé Cesáreo Mosquera Lorenzo, resposta que se xestionaron as cesións de terreos afectados polas obras e que se tramitará a expropiación das superficies non dispoñibles.

O deputado delegado de Infraestruturas, Greogrio Agís Gómez, indica que se está a elaborar o anexo das expropiacións necesarias para a súa inclusión no proxecto de obras.

2.- En que estado de tramitación está o proxecto de melloras na EP 0405 A Xesteira – Almofrei.

O deputado Gregorio Agís Gómez resposta que se está elaborando o anexo de expropiacións da superficie afectada de catro parcelas das que non hai cesión para continuar coa tramitación administrativa do procedemento.

Non habendo máis asuntos o presidente levanta a sesión sendo as doce horas e dezasete minutos do que eu, secretaria, dou fe.

*Documento datado e asinado dixitalmente á marxe.*

